



Christus resurgens ex mortuis
jam non moritur, mors illi
ultra non dominabitur. (Rom. vi. 9.)



Dominica Resurrectionis.

Introitus.

Ps. 138.

Esurrexi, et adhuc tecū sum, allelūia : posuisti super me manum tuam, allelūia : mirābilis facta est scientia tua, allelūia, allelūia. *Ps. 117.* Dōmine probāsti me, et cognovisti me : tu cognovisti sessionem meam, et resurrectionem meam. *V. Glōria Patri.* **Oratio.** Deus, qui hodierna die per Unigenitum tuum aeternitatis nobis aditum devicta morte reserasti : vota nostra, quae praeveniendo adspiras, etiam adjuvando prosequere. Per eundem Dōminum.

Lect. Epist. beati Pauli Apōst. ad Corinth. 1. 5. c

Terres : Expurgate vetus fermentum, ut sitis nova conspersio,

sicut estis azymi. Etenim Pascha nostrum immolatus est Christus. Itaque epulēmur : non in fermento vetei, neque in fermento malitiae, et nequitiae : sed in azymis sinceritatis, et veritatis.

Grad. Ps. 117. Hae dies, quam fecit Dñs : exultemus, et lætēmur in ea. *V. Confitemini Dōmino, quoniam bonus : quonia in saeculum misericordia ejus. Allelūia, allel. V. 1. Cor. 5.* Pascha nostrū immolatus est Christus.

Sequentia. Victimae Paschali laudes immolent Christiani.

Agnus redemit oves : Christus innocens Patri reconciliavit peccatores.

Mors et vita, duello conflixere mirando : dux vitae mortuus, regnat vivus.

Dic nobis Maria, quid vidisti in via?

Sepulcrum Christi ventis : et gloriā viderunt. Angélicos testes, sudarium, et vestes.

Surrexit Christus spes mea : præcedet vos in Galilæam.

Scimus Christum surrexisse a mortuis verè : tu nobis victor Rex miserere. Amen. Allelûia.

Sequentia dicitur usque ad Sabbatum in Albis inclusive.

Sequentia S. Evangelii secundum Marcum. 16.

In illo tempore : Maria Magdalene, et Maria Jacobi, et Salome emèrunt arómata, ut venientes tingerent Jesum. Et valde mane una sabbatorum, veniunt ad monuméntum, orto jam sole. Et dicebant ad invicem : Quis revolvēt nobis lapidem ab ostio monuménti? Et respicientes viderunt revolutum lapidem. Erat quippe magnus valde. Et introeūtes in monuméntum viderunt juvenem sedentem in dextris, coopertum stola cándida, et obstupuerunt. Qui dicit illis : Nolite expavescere : Jesum quaeritis Nazarenum, crucifixum : surrexit, non est hic, ecce locus ubi posuerunt eum. Sed

ite, dicite discipulis ejus, et Petro, quia præcedit vos in Galilæam : ibi eum videbitis, sicut dixit vobis. **CREDO.**

Offertorium. *Ps. 75.* Terra tremuit, et quievit, dum resurgeret in iudicio Deus, allelûia.

Secreta. Suscipe quæsumus Dómine preces populi tui cum oblationibus hostiarum : ut Paschálibus initiata mysteriis, ad æternitatis nobis medelam, te operante, proficiant. Per Dñum.

PRE-FATIO. *Te quidem Dómine omni tempore, sed in hac potissimum die.* p. 248.

Intra actionem, *Communicantes, et Hanc igitur.* ibid.

Et sic dicitur usque ad Sabb. in Albis inclusive.

Comm. 1. Cor. 5. Pascha nostrum immolatus est Christus, allelûia : itaque epulémur in azymis sinceritatis, et veritatis, allelûia, allelûia, allelûia. **Postcommunio.** Spiritum nobis, Dómine, tuæ caritatis infunde : ut quos sacramentis Paschálibus satiasti, tua facias pietate concordes. Per Dóminum.

Post Dóminum vobiscum dicitur : Ite Missa est, allelûia, allelûia. **K.** Deo grátias, allelûia, allelûia.

Et sic dicitur usque ad Sabb. in Albis inclusive.

¶ Infra Oct. Paschæ non fit de aliquo Festo duplici vel semidupl., sed Duplicia, quæ transferri possunt, post Octav. celebrantur; de Du-

plilibus autem, quæ transferri nequeunt, de Semiduplicibus et Simplicibus occurrentibus post hoc triduum, fit tantum Commem.

Feria ii. STATIO AD S. PETRUM.

Introitus. *Exodi 13.*

Introdúxit vos Dóminus in terram fluentem lac et mel, allelûia : et ut lex Dñi semper sit in ore vestro, allelûia, allelûia. *Ps. 104.* Confitémini Dómino, et invocáte nomen ejus : annuntiáte inter gentes ópera ejus. **V.** Glória. **O**ratio. Deus, qui solemnitate Pascháli, mundo remédia contulisti : populum tuum quæsumus cælesti domo prosequere : ut et perfectam libertatem consequi mereatur, et ad vitam proficiat sempiternam. Per Dóminum nostrum.

Lect. Actuum Apost. 10.

In diebus illis : Stans Petrus in médio plebis, dixit : Viri fratres, vos scitis quod factum est verbum per universam Judæam : incipiens enim a Galilæa post baptismum, quod prædicavit Joannes, Jesum a Nazareth : quomodo unxit eum Deus Spiritu sancto, et virtute, qui pertransiit benefaciendo, et sanando omnes oppressos a

diabolo, quóniam Deus erat cum illo. Et nos testes sumus ómnium, quæ fecit in regione Judæorum, et Jérusalem, quem occiderunt suspendentes in ligno. Hunc Deus suscitavit tertia die, et dedit eum manifestum fieri non omni populo, sed téstibus præordinatis a Deo : nobis, qui manducávimus, et bibimus cum illo postquam resurrexit a mortuis. Et præcepit nobis prædicare populo, et testificari quia ipse est, qui constitútus est a Deo iudex vivorum, et mortuorum. Huic omnes prophète testimonium perhibent remissionem peccatorum accipere per nomen ejus omnes, qui credunt in eum.

Grad. Ps. 117. Hæc dies, quam fecit Dñus : exultemus, et lætémur in ea. **V.** Dicat nunc Israel, quóniam bonus : quóniam in sæculum misericórdia ejus. Allelûia, quomodo unxit eum Deus. **V. Matth. 28.** Angelus Dñi descendit de celo : et accedens revolvit lapidem, et sedebat super eum.

SEQ. *Vitima Paschali*, cum *Alleluia* in fine, ut supra in Dnica Pascha, p. 259. Seq. *sancti Evangelii secundum Lucam. 24. b.*

In illo tempore: Duo ex discipulis Jesu ibant ipsa die in castellum, quod erat in spatio stadiorum sexaginta ab Jerusalem, nomine Emmaus. Et ipsi loquebantur ad invicem de his omnibus, quae acciderant. Et factum est, dum fabularentur, et secum quaerent: et ipse Jesus appropinquans ibat cum illis: oculi autem illorum tenebantur ne eum agnoscerent. Et ait ad illos: Qui sunt hi sermones, quos confertis ad invicem ambulantes, et estis tristes? Et respondens unus, cui nomen Cleophas, dixit ei: Tu solus peregrinus es in Jerusalem, et non cognovisti quae facta sunt in illa his diebus? Quibus ille dixit: Quae? Et dixerunt: De Jesu Nazareno, qui fuit vir propheta, potens in opere, et sermone coram Deo, et omni populo: et quomodo eum tradiderunt summi sacerdotes, et principes nostri in damnationem mortis, et crucifixerunt eum. Nos autem sperabamus, quia ipse esset redempturus Israel: et

nunc super haec omnia, tertia dies est hodie quod haec facta sunt. Sed et mulieres quaedam ex nostris terruerunt nos, quae ante lucem fuerunt ad monumentum, et, non invento corpore ejus, venerunt, dicentes se etiam visionem Angelorum vidisse, qui dicunt eum vivere. Et abiierunt quidam ex nostris ad monumentum: et ita inveniunt sicut mulieres dixerunt, ipsum vero non inveniunt. Et ipse dixit ad eos: O stulti, et tardi corde ad credendum in omnibus, quae locuti sunt Prophetae! Nonne haec oportuit pati Christum, et ita intrare in gloriam suam? Et incipiens a Moysae, et omnibus Prophetis, interpretabatur illis in omnibus Scripturis, quae de ipso erant. Et appropinquaverunt castello quod ibant: et ipse se finxit longius ire. Et coegerunt illum, dicentes: Mane nobiscum, quoniam advesperascit, et inclinata est jam dies. Et intravit cum illis. Et factum est, dum recumberet cum eis, accepit panem, et benedixit, ac fregit, et porrigebat illis. Et aperti sunt oculi eorum, et cognoverunt eum: et ipse evanuit ex oculis

eorum. Et dixerunt ad invicem: Nonne cor nostrum ardens erat in nobis dum loqueretur in via, et aperiret nobis Scripturas? Et surgentes eadem hora regressi sunt in Jerusalem; et inveniunt congregatos indecimum, et eos, qui cum illis erant, dicentes: Quod surrexit Dominus vere, et apparuit Simoni. Et ipsi narrabant quae gesta erant in via: et quomo-

do cognoverunt eum in fractione panis. Credo. *Offertorium. Matth. 28.* Angelus Domini descendit de caelo, et dixit mulieribus: Quem quaeritis, surrexit, sicut dixit, alleluia.

SECRETATA. *Suscipe quoniam, p. 260.*

Communio. *Luc. 24.* Surrexit Dominus, et apparuit Petro, alleluia.

POSTCOMMUNIO. *Spiritum nobis, p. 260.*

Feria iii. STATIO AD S. PAULUM.

Intritus. *Ecclesi. 15.*



Qua sapientiae potavit eos, alleluia: firmabitur in illis, et non flectetur, alleluia: et exaltabit eos in aeternum, alleluia, alleluia. *Ps. 104.* Confitemini Domino, et invocato nomen ejus: annuntiate inter gentes opera ejus. *V. Gloria Patri.*

Oratio. Deus, qui Ecclesiam tuam novo semper fetu multiplicas: concede famulis tuis; ut sacramentum vivendo teneant, quod fide perciperunt. Per Dominum.

Lect. Actuum Apost. 13.

In diebus illis: Surgens Paulus, et manu silentium indicens, ait: Viri fratres, filii generis Abraham, et qui in vobis timent

Deum, vobis verbum salutis hujus missum est. Qui enim habitabant Jerusalem, et principes ejus ignorantes Jesum, et voces Prophetarum, quae per omne sabbatum leguntur, judicantes impleverunt, et nullam causam mortis inventientes in eo, petierunt a Pilato, ut interficerent eum. Cumque consummasset omnia, quae de eo scripta erant, deponentes eum de ligno, posuerunt eum in monumento. Deus vero suscitavit eum a mortuis tertia die: qui visus est per dies multos his, qui simul ascenderant cum eo de Galilaea in Jerusalem: qui usque nunc sunt testes ejus ad plebem. Et nos vobis annuntiamus eam, quae ad

patres nostros reprimisio facta est : quoniam hanc Deus adimplevit filiis nostris resuscitans Jesum Christum Dominum nostrum.

Graduale. Ps. 117. Hæc dies, quam fecit Dominus : exultemus, et lætémur in ea. **V. Ps. 106.** Dicant nunc, qui redempti sunt a Domino : quos redemit de manu inimici, et de regionibus congregavit eos. Allelúia, allelúia. **V. Surrexit Dominus de sepulcro, qui pro nobis pepercit in ligno.**

SEQ. Vltima Paschali, ut supra in Dominica Paschæ, p. 260.

Seq. sancti Evangelii secundum Lucam. 24. c.

IN illo tempore : I Stetit Jesus in medio discipulorum suorum, et dicit eis : Pax vobis : ego sum, nolite timere. Conturbati vero, et conterriti, existimabant se spiritum videre. Et dixit eis : Quid turbati estis, et cogitationes ascendunt in corda vestra? Videte manus meas, et pedes, quia ego ipse sum : palpate, et videte : quia spiritus carnem, et ossa non habet, sicut me videtis habere. Et cum hoc dixisset, ostendit eis manus, et pedes. Adhuc autem il-

lis non credentibus, et mirantibus præ gaudio, dixit : Habetis hic aliquid, quod manducetur? At illi obtulerunt ei partem piscis assi, et favum mellis. Et cum manducasset coram eis, sumens reliquias, dedit eis. Et dixit ad eos : Hæc sunt verba, quæ locutus sum ad vos, cum adhuc essem vobiscum, quoniam necesse est impleri omnia, quæ scripta sunt in lege Moysi, et Prophetis, et Psalmis de me. Tunc aperuit illis sensum ut intelligerent Scripturas. Et dixit eis : Quoniam sic scriptum est, et sic oportebat Christum pati, et resurgere a mortuis tertia die : et prædicari in nomine ejus penitentiam, et remissionem peccatorum in omnes gentes. **CREDO.**

Offertorium. Ps. 17. Intonuit de caelo Dominus, et Altissimus dedit vocem suam : et apparuerunt fontes aquarum, allelúia.

Secreta. Suscipe, Domine, fidelium preces cum oblationibus hostiarum : ut per hæc pia devotionis officia, ad caelestem gloriam transeamus. Per Dominum. **Communio. Coloss. 3.** Si consurrexistis cum Christo : quæ sursum sunt querite, ubi Christus est

in dextera Dei sedens, allelúia : quæ sursum sunt sapite, allelúia.

Postcommunio. Concede, quasumus omnipo-

tens Deus : ut Paschalis perceptio sacramenti, continua in nostris mentibus perseveret. Per Dominum.

Feria iv.

STATIO AD S. LAURENTIUM EXTRA MUROS.

Introitus. Matth. 25.

Enite benedicti Patris mei, percipite regnum, allelúia : quod vobis paratum est ab origine mundi, allelúia, allelúia, allelúia.

Ps. 95. Cantate Domino canticum novum : cantate Domino omnis terra. **V. Glória Patri.**

Oratio. Deus, qui nos resurrectionis Dominiæ annua solemnitate lætificas : concede propitius ; ut per temporaria festa quæ ægimus, pervenire ad gaudia æterna mereamur. Per eundem Dominum.

Ab hac die usque ad Sabbatum in Albis inclusive, post Orationem diei dicitur una ex sequentibus Orationibus tantum, nisi faciendâ sit Commem. alicujus Festi simplicis vel ad modum simplicis occurrentis.

ORATIO. Contra persecut. **Ecc. Ecclesiæ,** p. [58].

Vel pro Papa. **Deus, omnium fideium,** ibid.

Lect. Actuum Apost. 3. b.

IN diebus illis : Apériens Petrus os suum, dixit : Viri

Israëlita, et qui timetis Deum, audite. Deus Abraham, et Deus Isaac, et Deus Jacob, Deus patrum nostrorum glorificavit Filium suum Jesum, quem vos quidem tradidistis, et negastis ante faciem Pilati, judicante illo dimitti. Vos autem sanctum, et justum negastis, et petistis virtum homicidam donari vobis : auctorem vero vitæ interfecistis, quem Deus suscitavit a mortuis, cujus nos testes sumus. Et nunc, fratres, scio quia per ignorantiam fecistis, sicut et principes vestri. Deus autem, quæ prænuuntiavit per os omnium Prophetarum, pati Christum suum, sic implevit. Penitentini igitur, et convertimini, ut deleantur peccata vestra.

Graduale. Ps. 117. Hæc dies, quam fecit Dominus : exultemus, et lætémur in ea. **V. Dextera Domini** fecit virtutem, dextera Domini exaltavit me. Allelúia, allelúia.

V. Luc. 24. Surrexit Dominus vere, et apparuit Petro.

SEQ. Vltima, ut in Dominica Paschæ, p. 260.

Seq. sancti Evangelii secundum Joannem, 21.

In illo tempore : Manifestavit se iterum Jesus discipulis ad mare Tiberiadis. Manifestavit autem sic : Erant simul Simon Petrus, et Thomas, qui dicitur Didymus, et Nathanael, qui erat a Cana Galilæe, et filii Zebedæi, et alii ex discipulis ejus duo. Dicit eis Simon Petrus : Vado piscari. Dicunt ei : Venimus et nos tecum. Et exierunt, et ascenderunt in navim : et illa nocte nihil prendiderunt. Mane autem facto stetit Jesus in littore : non tamen cognoverunt discipuli quia Jesus est. Dixit ergo eis Jesus : Pueri, numquid pulmentarium habetis? Responderunt ei : Non. Dicit eis : Mitte in dexteram navigii rete : et inveniatis. Miserunt ergo : et jam non valebant illud trahere præ multitudine piscium. Dixit ergo discipulus ille, quem diligebat Jesus, Petro : Dominus est. Simon Petrus cum audisset, quia Dominus est, tunica succinxit se (erat enim nu-

dis) et misit se in mare. Alii autem discipuli navigio venerunt (non enim longe erant a terra, sed quasi cubitis ducentis) trahentes rete piscium. Ut ergo descenderunt in terram, viderunt prunas positas, et piscem superpositum, et panem. Dicit eis Jesus : Afferte de piscibus, quos prendidistis nunc. Ascendit Simon Petrus, et traxit rete in terram, plenum magnis piscibus centum quinquaginta tribus. Et cum tanti esset, non est scissum rete. Dicit eis Jesus : Venite, prandete. Et nemo audebat discumbentium interrogare eum : Tu quis es? scientes, quia Dominus est. Et venit Jesus, et accipit panem, et dat eis, et piscem similiter. Hoc jam tertio manifestatus est Jesus discipulis suis cum resurrexisset a mortuis. **CREDO.** *Offertorium, Ps. 77.* Portas cæli aperuit Dominus : et pluit illis manna ut ederent : panem cæli dedit eis : panem Angelorum manducavit homo, alleluia.

Secreta. Sacrificia, Domine, Paschalibus gaudiis immolamus : quibus Ecclesia tua mirabiliter et pascitur et nutritur. Per Dominum nostrum.

SECRETA. Contra persecutores Ecclesie. *Prælege,* p. [59].

Vel pro Papa. *Oblatis,* ibid.

Communio. *Rom. 6.* Christus resurgens ex mortuis, jam non moritur, alleluia : mors illi ultra non dominabitur, alleluia, alleluia.

Postcommunio. Ab om-

ni nos, quæsumus Domine, vetustate purgatos : sacramenti tui veneranda perceptio in novam transferat creaturam : Qui vivis et regnas.

POSTCOMM. Contra persecutores Ecclesie. *Quæsumus Domine,* p. [59].

Vel pro Papa. *Hæc nos,* ibid.

Feria v. STATIO AD SS. DUODECIM APOSTOLOS.

Introitus. *Sap. 10.*



Agricem manum tuam Domine laudaverunt pariter, alleluia : quia sapientia aperuit os mutum, et linguas infantium fecit disertas, alleluia, alleluia. *Ps. 97.* Cantate Domino canticum novum : quia mirabilia fecit. *V. Gloria Patri.*

Oratio. Deus, qui diversitatem gentium in confessione tui nominis adunasti : da, ut renatis fonte baptismatis, una sit fides mentium, et pietas actionum. Per Dominum nostrum.

Secunda Oratio, vel Ecclesia, vel Deus omnium fideliū, p. [58].

Lect. Actuum Apost. 8. e

In diebus illis : Angelus Domini locutus est ad Philippum, dicens : Surge, et vade contra meridianum ad viam, quæ descendit ab

Jerusalem in Gazam : hæc est deserta. Et surgens abiit. Et ecce vir Æthiops, eunuchus, potens Candacis reginæ Æthiopiū, qui erat super omnes gazas ejus, venerat adorare in Jerusalem : et revertebatur sedens super currum suum, legensque Isaiam prophetam. Dixit autem Spiritus Philippo : Accede, et adijunge te ad currum istum. Accurrens autem Philippus, audivit eum legentem Isaiam prophetam, et dixit : Putasne intelligis quæ legis? Qui ait : Et quomodo possum, si non aliquis ostenderit mihi? Rogavitque Philippum ut ascenderet, et sederet secum. Locus autem Scripturæ, quam legebat, erat hic : Tamen ovis ad occisionem ductus est : et sicut agnus coram tondente se, sine voce, sic non

aperuit os suum. In humilitate iudicium eius sublatum est. Generationem eius quis enarrabit, quoniam tolletur de terra vita eius? Respondens autem eunuchus Philippo, dixit: Obsecro te, de quo propheta dicit hoc? de se, an de alio aliquo? Apertus autem Philippus os suum, et incipiens a Scriptura ista, evangelizavit illi Jesum. Et dum irent per viam, venerunt ad quandam aquam: et ait eunuchus: Ecce aqua, quid prohibet me baptizari? Dixit autem Philippus: Si credis ex toto corde, licet. Et respondens ait: Credo, Filium Dei esse Jesum Christum. Et jussit stare currum: et descenderrunt uterque in aquam, Philippus et eunuchus, et baptizavit eum. Cum autem ascendissent de aqua, Spiritus Domini rapuit Philippum, et amplius non vidit eum eunuchus. Ibat autem per viam suam, gaudens. Philippus autem inventus est in Azoto, et pertransiens evangelizabat civitatibus cunctis (donec veniret Caesaream) nomen Domini Jesu Christi.

Graduale. Psalm. 117. Hæc dies, quam fecit Dominus: exsultemus,

et lætemur in ea. *V.* Lapidem, quem reprobarunt adificantes, hic factus est in caput anguli: a Domino factum est istud, et est mirabile in oculis nostris. *V.* Surrexit Christus, qui creavit omnia: et miseratus est humano generi.

SEQ. VIGILIA, ut in Dominica Paschæ, p. 260.

Seq. sancti Evangelii secundum Joannem. 20. c

In illo tempore: Maria stabat ad monumentum foris, plorans. Dum ergo fletet, inclinavit se, et prospexit in monumentum: et vidit duos Angelos in albis, sedentes, unum ad caput, et unum ad pedes, ubi positum fuerat corpus Jesu. Dicunt ei illi: Mulier, quid ploras? Dicit eis: Quia tulertunt Dominum meum: et nescio ubi posuerunt eum. Hæc cum dixisset, conversa est retrorsum, et vidit Jesum stantem: et non sciens quia Jesus est. Dicit ei Jesus: Mulier, quid ploras? quem quaeris? Illa existimans, quia hortulanus esset, dicit ei: Domine, si tu sustulisti eum, dicitote mihi ubi posuisti eum: et ego eum tollam. Dicit ei Jesus: Maria.

Conversa illa, dicit ei: Rabboni (quod dicitur Magister). Dicit ei Jesus: Noli me tangere, nondum enim ascendi ad Patrem meum: vade autem ad fratres meos, et dic eis: Ascendo ad Patrem meum, et Patrem vestrum, Deum meum, et Deum vestrum. Venit Maria Magdalene annuntians discipulis: Quia vidi Dominum, et hæc dixit mihi. **CREDO.**

Offertorium. Exodi 13. In die solemnitatis vestrae, dicit Dominus, inducam vos in terram fluentem lac et mel, alleluia.

Secreta. Suscipe, quesumus Domine, munera populorum tuorum propitius: ut confessione

tui nominis et baptisate renovati, sempiternam beatitudinem consequantur. Per Dominum.

Altera Secreta, vel Prosepe nos, vel Oblatus, p. 159.

Communio. 1. Petr. 2. Populus acquisitionis, annuntiate virtutes ejus, alleluia: qui vos de tenebris vocavit in admirabile lumen suum, alleluia.

Postcommunio. Exaudi, Domine, preces nostras: et vite nobis conferant presentis auxilium, et gaudia sempiterna concilient. Per Dominum.

Altera Postcommunio, vel Quaesumus Domine, vel Hæc nos, p. 159.

Feria vi. STATIO ADS. MARIAM AD MARTYRES.

Introitus. Ps. 77.

Dixit eos Dominus in spe, alleluia: et inimicos eorum operuit mare, alleluia, allel., allel. *Ps. ib.*

Attendite popule meus legem meam: inclinate aurem vestram in verba oris mei. V. Gloria.

Oratio. Omnipotens sempiterna Deus, qui Paschale sacramentum in reconciliationis humanæ foedere contulisti: da mentibus nostris;

ut quod professione celebramus, imitemur effectum. Per Dominum.

Secunda Oratio, vel Ecclésiastice, vel Deus, omnium fidelium, p. 158.

Lect. Epistolæ B. Petri Apóstoli. 1. Petri 3. d

Carissimi: Christus nostris mortuus est, iustus pro iniustus, ut nos offerret Deo, mortificatus quidem carne, vivificatus autem spiritu. In quo et his, qui in carcere erant, spiritibus vé-

niens prædicavit : qui increduli fuerant ali-
quando, quando expecta-
bant Dei patientiam in diebus Noe, cum fa-
bricaretur arca, in qua
pauci, id est octo ani-
mæ salvæ factæ sunt
per aquam. Quod et vos
nunc similis formæ sal-
vos facit baptisma : non
carnis depositio sordium,
sed conscientie bonæ
interrogatio in Deum
per resurrectionem Jesu
Christi Domini nostri,
qui est in dextera Dei.

Graduale. *Ps. 117.* Hæc
dies, quam fecit Domi-
nus : exultemus, et læ-
temur in ea. *V.* Benedi-
ctus qui venit in nomine
Domini: Deus Dominus,
et illuxit nobis. Alleluia,
alleluia. *V.* *Ps. 95.* Di-
cite in gentibus : quia
Dñs regnavit a ligno.

SEQ. Vltima, et in Do-
minica Paschæ, p. 260.

Seq. sancti Evangelii se-
cundum Matthæum. 28.

In illo tempore : Un-
decim discipuli ab-
ierunt in Galileam in
montem, ubi constitu-
erat illis Jesus. Et viden-
tes eum adoraverunt :
quidam autem dubita-
verunt. Et accedens Je-
sus locutus est eis, di-
cens : Data est mihi
omnis potestas in cælo,
et in terra. Eúntes ergo
docete omnes gentes :

baptizantes eos in nomi-
ne Patris, et Filii, et Spi-
ritus sancti : docentes
eos servare omnia quæ-
cumque mandavi vobis :
et ecce ego vobiscum
sum omnibus diebus,
usque ad consummati-
onem sæculi. **CREDO.**

Offertorium. *Exodi 13.*
Erit vobis hæc dies me-
moriæ, alleluia : et diem
festum celebrabitis so-
lemnem Dño in progé-
nie vestras : legitimum
sempiternum diem, alle-
luia, alleluia, alleluia.

Secreta. Hóstias, quæ-
sumus Dómine, placatus
assume : quas et pro re-
natorum expiatione pec-
cati deservimus, et pro
acceleratione cælestis
auxilii. Per Dóminum.

Altera Secreta, vel *Præ-
tege nos, vel Oblatus,* p. 159.

Communio. *Matth. 28.*
Data est mihi omnis po-
testas in cælo et in terra,
alleluia : eúntes docete
omnes gentes, baptizan-
tes eos in nomine Patris,
et Filii, et Spiritus sancti,
alleluia, alleluia.

Postcommunio. Respi-
ce, quæsumus Dómine,
pópulum tuum : et quem
ætérnis dignatus es re-
novare mysteriis, a tempo-
ralibus culpis dignan-
ter absolve. Per Dñum.

Altera Postcommunio, vel
Quæsumus Dómine, vel
Hæc nos, p. 159.



Introitus. *Ps. 104.*
Duxit Dómi-
nus pópulum
suum in exul-
tatione, alle-
luia : et electos suos in
lætitia, alleluia, alleluia.
Ps. 118. Confitemini Dó-
mino, et invocáte nomen
ejus : annuntiate inter
gentes ópera ejus. *V.*
Gloria Patri.

Oratio. Concede, quæsu-
mus omnipotens Deus :
ut qui festa Paschalia
venerando égimus ; per
hæc contingere ad gáuda
ætérna mereámur.
Per Dóminum.

Secunda Oratio, vel *Ec-
clesiæ,* vel *Deus, ómnium
fidelium,* p. 159.

Lectio Epistolæ B. Pe-
tri Apóstoli. *1 Petr. 2.*

Carissimi : Deponén-
tes igitur omnem
maliitiam, et omnem do-
lum, et simulationes, et
invidias, et omnes de-
tractiones, sicut modo
géniti infantes, rationá-
bile, sine dolo lac concu-
piscite : ut in eo cre-
scátis in salutem : si
tamen gustátis quó-
niam dulcis est Dómi-
nus. Ad quem acceden-
tes lapidem vivum, ab
hominibus quidem re-
probátum, a Deo autem
electum, et honorificum
est : et ipsi tamquam
lapides vivi superædifi-

cámni, domus spirituá-
lis, sacerdotium san-
ctum, offerre spirituá-
les hóstias, acceptabiles
Deo per Jesum Chri-
stum. Propter quod con-
tinet Scriptúra : Ecce
pono in Sion lapidem
summum angularem,
electum, pretiosum : et
qui crediderit in eum,
non confundetur. Vobis
igitur honor credenti-
bus : non credentibus
autem lapis, quem re-
probaverunt edificán-
tes, hic factus est in
caput anguli : et lapis
offensionis, et petra
scándali his, qui offén-
dunt verbo, nec credunt
in quo et positi sunt.
Vos autem genus electum,
regale sacerdotium,
gens sancta, pópulus
acquisitionis : ut
virtutes annuntietis
ejus, qui de tenebris vos
vocavit in admirabile lu-
men suum. Qui aliquán-
do non pópulus, nunc
autem pópulus Dei : qui
non consecrati misericór-
diam, nunc autem mise-
ricórdiam consecuti.

¶ Ab hac die usque ad
Oct. Pentec. tam in Officio
de Temp., quam de San-
ctis, non dicitur Graduale,
sed ejus loco dicuntur duo
VV. cum quatuor Alleluia,
ordine infrascripto : præ-
terquam in Missis Rogat.,
et Vigiliæ Pentec. in quibus

dicitur unum *Alleluia*, cum uno *V.* similiter et post quamlibet Lect. in Sabb. Quatuor Temp. post Pentec. Alio tempore usque ad Septuag., quando dicitur Graduale, dic. tria *Alleluia* post Graduale, bis ante *V.* et semel post *V.*; cum autem dicitur Sequentia, *Alleluia* quod dicendum esset post *V.*, dicitur post Sequentiam.

Alleluia, alleluia. V. Ps. 117. Hæc dies, quam fecit Dominus: exsultemus, et lætémur in ea. *Alleluia. V. Ps. 112.* Laudate pueri Dñm, laudate nomen Domini.

SEQ. *Vidua*, ut supra in die Paschæ, p. 260.

Seq. sancti Evangelii secundum Joannem. 20.

In illo tempore: Una sabbati, Maria Magdalene venit mane, cum adhuc tenebræ essent, ad monumentum: et vidit lapidem sublatum a monumento. Cucurrit ergo, et venit ad Simonem Petrum, et ad alium discipulum, quem amabat Jesus, et dicit illis: Tulérunt Dominum de monumento, et nescimus ubi posuerunt eum. Exiit ergo Petrus, et ille alius discipulus, et venerunt ad monumentum. Currébant autem duo simul, et ille alius discipulus præcucurrit citius Petro, et venit primus ad monumentum. Et cum se in-

clinasset, vidit posita linteamina, non tamen introivit. Venit ergo Simon Petrus sequens eum, et introivit in monumentum, et vidit linteamina posita, et sudarium, quod fuerat super caput ejus, non cum linteaminis positum, sed separatim involutum in unum locum. Tunc ergo introivit et ille discipulus, qui venerat primus ad monumentum: et vidit, et credidit: nondum enim sciebant Scripturam, quia oportebat per eum a mortuis resurgere.

CREDO. **Offertor. Ps. 117.** Benedictus qui venit in nomine Dñi: Benediximus vobis de domo Domini: Deus Dñus, et illixit nobis, alleluia, alleluia. **Secreta.** Concède, quæsumus Domine, semper nos per hæc mysteria Paschalia gratulari: ut continua nostræ reparationis operatio, perpetuè nobis fiat causa lætitiæ. Per Dominum.

Alia Secreta, vel *Prætere*, vel *Oblatus*, p. [59].

Communio. Galat. 3. Omnes qui in Christo baptizati estis, Christum induistis, alleluia.

Postcommunio. Redemptionis nostræ munere vegetati, quæsumus Domine: ut hoc perpé-

tue salutis auxilio, fides semper vera proficiat. Per Dominum.

Altera Postcommunio, vel *Quæsumus Domine*, vel *Per Dominum*, p. [59].

Dominica in Albis. In Octava Paschæ. STATIO AD S. PANCRATIUM.

Introitus. 1 Petr. 2.

Uasi modo geniti infantes, alleluia: rationabiles, sine dolo lac concupiscite, alleluia, alleluia, allel. *Ps. 80.* Exsultate Deo adiutori nostro: jubilat Deo Jacob. *V. Gloria Patri.*

Oratio. Præsta, quæsumus, omnipotens Deus: ut qui Paschalia festa perégimus; hæc, te largiente, moribus et vita teneamus. Per Dñm.

Lect. Epist. beati Joannis Apóst. 1 Joann. 5.

Carissimi: Omne, quod natum est ex Deo, vincit mundum: et hæc est victória, quæ vincit mundum, fides nostra. Quis est, qui vincit mundum, nisi qui credit quoniam Jesus est Filius Dei? Hic est, qui venit per aquam, et sanguinem, Jesus Christus: non in aqua solum, sed in aqua et sanguine. Et Spiritus est, qui testificatur, quoniam Christus est veritas. Quoniam tres sunt, qui testimonium dant in cæ-

lo: Pater, Verbum, et Spiritus sanctus; et hi tres unum sunt. Et tres sunt, qui testimonium dant in terra: Spiritus, et aqua, et sanguis: et hi tres unum sunt. Si testimonium hominum accipimus, testimonium Dei majus est: quoniam hoc est testimonium Dei, quod majus est quoniam testificatus est de Filio suo. Qui credit in Filium Dei, habet testimonium Dei in se.

Alleluia, alleluia. V. Matth. 28. In die resurrectionis meæ, dicit Dominus, præcedam vos in Galliam. *Alleluia. V. Joann. 20.* Post dies octo, januis clausis, stetit Jesus in medio discipulorum suorum, et dixit: Pax vobis. *Alleluia. Seq. sancti Evangelii secundum Joannem. 20. e*

In illo tempore: Cum sero esset die illo, una sabbatorum, et fore essent clausæ, ubi erant discipuli congregati propter metum Judæorum: venit Jesus, et stetit in medio, et dixit eis: Pax vobis. Et cum

hoc dixisset, ostendit eis manus, et latus. Gavisus sunt ergo discipuli, viso Dōmino. Dixit ergo eis iterum: Pax vobis. Sicut misit me Pater, et ego mitto vos. Hæc cum dixisset, insufflavit: et dixit eis: Accipite Spiritum sanctum: quorum remisistis peccata, remittuntur eis: et quorum retinueritis, retenta sunt. ¶ Thomas autem unus ex duodecim, qui dicitur Didymus, non erat cum eis, quando venit Jesus. Dixerunt ergo ei alii discipuli: Vidimus Dōminum. Ille autem dixit eis: Nisi videro in manibus ejus fixuram clavōrum, et mittam digitum meum in locum clavōrum, et mittam manum meam in latus ejus, non credam. Et post dies octo, iterum erant discipuli ejus intus: et Thomas cum eis. Venit Jesus januis clausis, et stetit in medio, et dixit: Pax vobis. Deinde dicit Thomæ: Insuper digitum tuum huc, et vide manus meas, et affer manum tuam, et mitte in latus meum: et non esse incredulus, sed fidelis. Respondit Thomas, et dixit ei: Dōminus meus, et Deus meus. Dixit et Jesus: Quia vidisti me, Thoma,

credidisti: beati qui non viderunt, et crediderunt.* Multa quidem, et alia signa fecit Jesus in conspectu discipulorum suorum, quæ non sunt scripta in libro hoc. Hæc autem scripta sunt, ut credatis, quia Jesus est Christus Filius Dei: et ut credentes, vitam habeatis in nomine ejus. Credo.

Offertorium. Matth. 28. Angelus Dōmini descendit de cælo, et dixit mulieribus: Quem quaeritis, surrexit, sicut dixit, allelūia.

Secreta. Sūscipe mūnera, Dōmine quæsumus, exsultantis Ecclesiæ: et cui causam tanti gaudii præstitisti, imperpetuæ fructum concede lætitiæ. Per Dōminum.

Communio. Joann. 20. Mitte manum tuam, et cognosce loca clavōrum, allelūia: et non esse incredulus, sed fidelis, allelūia, allelūia.

Postcommunio. Quæsumus, Dōmine Deus noster: ut sacrosancta mysteria, quæ pro reparationis nostræ munimine contulisti, et præsens nobis remedium esse facias, et futurum. Per Dōminum.

¶ A Feria ij. post Octavam Paschæ usque ad Ascensionem, post Oracionem diei

dicuntur Orationes sequentes, nisi sit Festum duplex.

De beata Maria. Oratio. *Concede nos*, p. [57].

Tertia Oratio, contra persecut. *Ecclesiæ tuæ*, p. [58] vel pro Papa. *Deus, omnium fidei*, ibid.

De beata Maria. Secreta. *Tua, Dōmine*, p. [58].

Tertia Secreta, contra persecut. Ecclesiæ. *Protege nos*, p. [59] vel pro Papa. *Oblatus*, ibid.

De B. Maria. Postcomm. *Sumptis Dōmine*, p. [58].

Tertia Postcomm., contra persecut. Ecclesiæ. *Quæsumus Dōmine*, p. [59] vel pro Papa. *Hæc nos*, ibid.

Dominica ii. post Pascha.

Introuitus.

Ps. 32.

Isericordia Dōmini plena est terra, allelūia: verbo Dōmini cæli firmati sunt, allelūia, allelūia. *Ps. 32.* Exultate justi in Dōmino: rectos decet collandatio. *V. Gloria Patri.*

Oratio. Deus, qui in Filii tui humilitate, jacentem mundum erexit: fidelibus tuis perpetuam concede lætitiā: ut quos perpetuæ mortis eripuisti casibus, gaudiis facias perfrui sempiternis. Per eundem.

Alie Orationes. *Concede nos*, p. [57], et *Ecclesiæ*, vel *Deus omnium*, p. [58].

Lectio Epistolæ B. Petri Apostoli. 1. Petr. 2. d.

Carissimi: Christus passus est pro nobis, vobis relinquens exemplum, ut sequamini vestigia ejus. Qui peccatum non fecit, nec inventus est dolus in ore ejus: qui cum malediceretur, non male-

dicebat: cum pateretur, non comminabatur: tradebat autem iudicanti se injuste: qui peccata nostra ipse pertulit in corpore suo super lignum: ut peccatis mortui, justitiam vivamus: cujus livore sanati estis. Eratis enim sicut oves errantes, sed conversi estis nunc ad pastorem, et episcopum animarum vestrarum.

Allelūia, allel. *V. Luc.*

24. Cognoverunt discipuli Dōminum Jesum in fractione panis. Allelūia.

V. Joann. 10. Ego sum pastor bonus: et cognosco oves meas, et cognoscunt me meæ. Allelūia.

Seq. sancti Evangelii secundum Joannem. *10.*

In illo tempore: Dixit Jesus Pharisæis: Ego sum pastor bonus. Bonus pastor animam suam dat pro ovibus suis. Mercenarius autem, et qui non est pastor, cujus non sunt oves propriæ, videt

cor vestrum : et gaudium vestrum nemo tollet a vobis. **CREDO.**

Offertorium. *Ps. 145.* Lauda ánima mea Dóminum : laudábo Dñum in vita mea : psallam Deo meo, quám diu ero, allel.

Secrete. His nobis Dñe mysteriis conferátur, quo terréna desideria mitigátes, discámus amáre cælestia. Per Dñum.

Alia Secrete. Tua, Dómine, p. [58], et Prætege, vel Oblátis, p. [59].

Dominica iv. post Pascha.

Introitus. *Ps. 07.*

Antáte Dómino cánticū novum, allelúia : quia mirabília fecit Dóminus, allelúia : ante conspéctum géntium revelávit justitiam suam, allelúia, allelúia, allel. *Ps. ib.* Salvábit sibi dextera ejus : et bráchium sanctum ejus. *V. Glória.*

Oratio. Deus, qui fidélium mentes unius effícis voluntátis : da pópulis tuis id amáre quod præcipis, id desideráre quod promittis ; ut inter mundánas varietátes ibi nostra fixa sint corda, ubi vera sunt gáudia. Per Dóminum.

Aliae Orationes. Concete nos, p. [57] et Ecclésiae, vel Deus ómnium, p. [58].

Communio. *Joann. 16.* Módicum, et non vidébitis me, allelúia : iterum módicum, et vidébitis me, quia vado ad Patrem, allelúia, allelúia.

Postcommunio. Sacraménta quæ súmpsimus, quæsumus Dómine, et spiriúalibus nos instáurunt aliméntis, et corporálibus tueántur auxiliis. Per Dóminum.

Alia Postcomm. Sumptis Dómine, p. [58], et Quæsumus Dómine, vel Hæc nos, p. [59].

Lectio Epistolæ beáti

Jacóbi Apóstoli. *1.*

Caríssimi : Omne datum óptimum, et omne donum perfectum desúrsum est, descéndens a Patre lúminum, apud quem non est transmutátió, nec vicissitúdinis obumbrátió. Voluntárie enim génuit nos, verbo veritátis, ut simus ínitium áliquod creaturæ ejus. Scitis, fratres mei dilectíssimi. Sit autem omnis homo velox ad audiéndum : tardus autem ad loquéndum, et tardus ad iram. Ira enim viri, justitiam Dei non operátur. Propter quod abjiciéntes omnem imunditiam, et abundantiam malitiæ, in mansuetudine suscipite insitum

verbum, quod potest salváre ánimas vestras.

Allelúia, allelúia. *V. Ps. 117.* Dextera Dñi fecit virtútem : dextera Dómini exaltávit me. Allelúia. *V. Rom. 6.* Christus resúrgens ex mórtuis, jam non mórtitur : mors illi ultra non dominábitur. Allelúia. *Seq. sancti Evangelii scúndum Joánnem. 16.*

In illo tẽpore : Dixit Jesus discipulis suis : Vado ad eum, qui misit me : et nemo ex vobis intérogat me : Quo vadis ? Sed quia hæc locútus sum vobis, tristitia implevit cor vestrum. Sed ego veritatem dico vobis : expedit vobis ut ego vadam : si enim non abiero, Paráclitus non veniét ad vos : si autem abiero, mittam eum ad vos. Et cum vénerit ille, árguet mundum de peccáto, et de justitia, et de judicio. De peccáto quidem, quia non crediderunt in me : de justitia vero, quia ad Patrem vado, et jam non vidébitis me : de judicio autem, quia princeps hujus mundi jam judicátus, quia multa hábeo vobis dicere : sed non potéstis portáre modo. Cum autem vénerit ille Spiritus veritátis, docé-

bit vos omnem veritatem. Non enim loquétur a semetipso : sed quæcúmque áudiet, loquétur, et quæ ventúra sunt annuntiábit vobis. Ille me clarificábit : quia de meo accipiet, et annuntiábit vobis. **CREDO.**

Offertorium. *Psaln. 65.* Jubiláte Deo univérsa terra, psalmum dicite nómini ejus : venite, et audite, et narrábo vobis, omnes qui tímētis Deum, quanta fecit Dóminus ánimæ meæ, allelúia.

Secrete. Deus, qui nos per hujus sacrificii veneránde commércia, unius summæ, divinitátis participes effecisti : præsta quæsumus ; ut, sicut tuam cognóscimus veritatem, sic eam dignis móribus assequámur. Per Dóminum.

Alia Secrete. Tua, Dómine, p. [58] et Prætege nos, vel Oblátis, p. [59].

Communio. *Joann. 16.* Cum vénerit Paráclitus Spiritus veritátis, ille árguet mundum de peccáto, et de justitia, et de judicio, allelúia, allelúia. **Postcommunio.** Adésto nobis, Dómine Deus noster : ut per hæc, quæ fideliter súmpsimus, et potéstis portáre modo. Cum autem vénerit ille Spiritus veritátis, docé-

Alie Postcomm. *Sumptis, Dómine*, p. [58], et *Quasimus Dómine*, vel *Hæc nos*, p. [59].

Dominica v. post Pascha.

Introitus.

Is. 48. d.



Ocem jucunditatis annuntiatis, et audiatur, allelúia; annuntiatis usque ad extrémum terræ: liberávit Dóminus pópulum suum, allelúia, allelúia. *Ps. 65*. Jubiláte Deo omnis terra, psalmum dicite nómini ejus: date glóriam laudi ejus. *V. Glória Patri.*

Oratio. Deus, a quo bona cuncta procedunt, largíre supplicibus tuis: ut cogitémus, te inspirante, quæ recta sunt; et te gubernante, eadem faciámus. Per Dóminum nostrum.

Alie Orationes. *Concede nos*, p. [57], et *Ecclesia*, vel *Deus omnium fideium*, p. [58].

Lectio Epistolæ beati Jacobi Apóstoli. *1. d.*

Carissimi: Estote factores verbi, et non auditores tantum: fallentes vosmetipsos. Quia si quis auditor est verbi, et non factor: hic commarábitur viro consideranti vultum nativitatis suæ in speculo: considerávit enim se, et ábiit, et statim oblitus est qualis fuerit. Qui autem

perspéxerit in legem perfectam libertatis, et permanserit in ea, non auditor obliuivós factus, sed factor óperis: hic beátus in factó suo erit. Si quis autem putat se religiosum esse, non refrænans linguam suam, sed seducens cor suum, hujus vana est religio. Religio munda, et immaculata apud Deum et Patrem, hæc est: Visitare pupillos, et viduas in tribulatióne eórum, et immaculatum se custodire ad hoc sæculo.

Allelúia, allel. *V. Surrexit Christus*, et illúxit vobis, quos redémit sanguine suo. Allelúia. *V. Joann. 10*. Exivi a Patre, et veni in mundum: iterum relinquo mundum, et vado ad Patrem. Allelúia.

Seq. sancti Evangelii secúndum Joánnem. *16. c.*
In illo tempore: Dixit Jesus discipulis suis: Amen, amen dico vobis: si quid petieritis Patrem in nómine meo, dabit vobis. Usque modo non petitis quidquam in nómine meo: Pétre, et accipietis, ut gáudium vestrum sit plenum. Hæc in pro-

vérbis locútus sum vobis. Venit hora, cum jam non in provérbis loquar vobis, sed palam de Patre annuntiábo vobis. In illo die in nómine meo petétis: et non dico vobis, quia ego rogábo Patrem de vobis: ipse enim Pater amat vos, quia vos me amatis, et credidístis, quia ego a Deo exivi. Exivi a Patre, et veni in mundum: iterum relinquo mundum, et vado ad Patrem. Dicunt ei discipuli ejus: Ecce nunc palam loqueris, et provérbium nullum dicis. Nunc scimus, quia scis ómnia, et non opus est tibi ut quis te intéroget: in hoc crédimus, quia a Deo existi. **CREDO.**

Offertorium. Ps. 95. Benedicite gentes Dóminum Deum nostrum, et obaudite vocem laudis ejus: qui pósuit ánimam meam ad vitam, et non

dedit commoveri pedes meos: benedictus Dñus, qui non amóvit deprecatióne meam, et misericórdiam suam, et allelúia.

Secreta. Súscipe, Dómine, fideíum preces cum oblatiõibus hostiarum: ut per hæc piæ devotiõnis officia, ad cæléstem glóriam transeámus. Per Dóminum.

Alie Secreta. *Tua Dómine*, p. [58], et *Prætege nos*, vel *Oblatis*, p. [59].

Communio. Ps. 95. Cantáte Dño, allelúia: cantáte Dño, et benedicite nómen ejus: bene nuntiáte de die in diem salutáre ejus, allelúia, allelúia.

Postcommunio. Tribue nobis, Dómine, cæléstis mensæ virtúte satiátis: et desideráta percipere. Per Dñum.

Alie Postcomm. *Sumptis, Dómine*, p. [58], et *Quasimus Dómine*, vel *Hæc nos*, p. [59].

In Litanis majoribus.

In Festo S. Marci Evangelistæ, Statio ad S. Petrum. Et in minoribus ante Ascens., FERIA ij. Rogationum, Statio ad S. Mariam majorem. FERIA iij. Statio ad S. Joannem in Laterano. FERIA iv. Statio ad S. Petrum.
¶ Sequens Missa dicitur in Litanis majoribus et minoribus ad Processionem, sine Comm. Festi occur.

In Feriis autem Rogationum, in Missis privatis, si dicitur de Sancto, fit Comm. Rogationum: si dicitur de Rogationibus, fit Commem. Festi occur. FERIA vero iij. si Festum non occurrit, dicitur Missa de Rogationibus, sine Glória in excelsis, licet in Officio dictum sit *Te Deum*, et Oratio Dominicæ.

Introitus.

Ps. 17.



caudit de templo sancto suo vocem meam, allelúia: et clamor meus in conspectu ejus, introivit in aures ejus, allelúia, allelúia. *Ps. ib.* Diligam te, Dñe, virtus mea: Dominus firmamentum meum, et refugium meum, et liberator meus. *V.* Glória Patri.

In hac Missa non dicitur *Glória in excelsis*, neque *Credo*.

Oratio. Præsta, quæsumus omnipotens Deus: ut qui in afflictione nostra de tua pietate confidimus, contra adversa omnia, tua semper protectione muniamur. Per Dóminum.

Aliæ Orationes. *Concede nos*, p. [57], et *Ecclesia tua, vel Deus omnium fideiorem*, p. [58].

Lectio Epistolæ beati Jacobi Apostoli. *5. d*

Carissimi: Confitemini alterutrum peccata vestra, et orate pro invicem ut salvemini: multum enim valet deprecatio justis assidua. Elias homo erat similis nobis passibilis: et oratione oravit ut non plueret super terram, et non pluit annos tres, et mensis sex. Et rursum oravit: et cælum dedit plu-

viam, et terra dedit fructum suum. Fratres mei, si quis ex vobis erraverit a veritate, et converterit quis eum: scire debet, quoniam qui converti fecerit peccatorem ab errore viae suæ, salvabit animam ejus a morte, et operiet multitudinem peccatorum.

Allelúia. *V. Ps. 117.* Confitemini Dñi, quoniam bonus: quoniam in sæculum misericordia ejus.

Sancti Evangelii secandum Lucam. *11.*

Ixit Jesus discipulis suis: Quis vestrum habebit amicum, et ibit ad illum média nocte, et dicet illi: Amice, comoda mihi tres panes, quoniam amicus meus venit de via ad me, et non habeo quod ponam ante illum: et ille deintus respondens dicat: Noli mihi molestus esse, jam ostium clausum est, et pueri mei mecum sunt in cubili: non possum surgere, et dare tibi. Et si ille perseveraverit pulsans: dico vobis, et si non dabit illi surgens eo quod amicus ejus sit, propter improbitatem tamen ejus surget, et dabit illi quotquot habet necessarios. Et ego dico vobis: ¶ Petite, et dabi-

tur vobis: querite, et invenietis: pulsate, et aperietur vobis. Omnis enim qui petit, accipit: et qui querit, invenit: et pulsanti aperietur.

Quis autem ex vobis patrem petit panem, numquid lapidem dabit illi? Aut piscem: numquid pro pisce serpentem dabit illi? Aut si petierit ovum: numquid porriquet illi scorpionem? Si ergo vos cum sitis mali, nostis bona data dare filiis vestris: quanto magis Pater vester de cælo dabit spiritum bonum petentibus se?

Offertorium. Ps. 108. Confitebor Dómino nimis in ore meo: et in medio multorum laudabo eum, quia adstitit a dextris pauperis: ut salvam faceret a persequentibus animam meam, allelúia.

In Vigilia Ascensionis.

¶ Si hodie occurrat Festum simplex, fit de ipso tantum Commemoratio. Si occurrat Festum duplex vel semiduplex, Missa dicitur de Festo cum Commemoratione Vigiliæ, et Rogationum. Sed in Ecclesiis Collegiatis, præter Missam de Rogat. dicitur duce Missæ, una de Festo, et alia de Vigilia.

MISSA Vocem jucunditatis, ut supra in Domin. V. post Pascha, præter Epist. et Evangel. quæ leguntur ut infra.

Secreta. Hæc múnera, quæsumus Dñe, et vincula nostræ pravitatis absolvant, et tuæ nobis misericordiæ dona concilient. Per Dñum.

Aliæ Secretæ. *Tua, Dómine*, p. [58], et *Protege nos, vel Oblatis*, p. [59].

Et dicitur Tractatio Paschalis, p. 248.

Communio. Luc. 11. Petite, et accipietis: querite, et invenietis: pulsate, et aperietur vobis: omnis enim, qui petit, accipit: et qui querit, invenit: et pulsanti aperietur, allelúia.

Postcommunio. Vota nostra, quæsumus Dómine, pio favore prosequere: ut dum dona tua in tribulatione percipimus, de consolatione nostra in tuo amore crescamus. Per Dóminum.

Aliæ Postcomm. *Sumptis, Dómine*, p. [58], et *Quæsumus, vel Hac nos*, p. [59].

¶ Secunda Oratio de Rogat. *Præsta quæsumus*, ut supra p. 282, tertia de sancta Maria *Concede nos*, p. [57].

In Ecclesiis autem Collegiatis, ubi dicitur alia quoque Missa de Rogat. secunda Oratio erit de B. Maria, tertia, *Ecclesia tua, vel Deus, omnium fideiorem*, p. [58].

Lect. Epistolæ B. Pauli Apostoli ad Ephésios. *4.*


Patres: In unicum nostrum data est gratia secundum men-

súrám donatiónis Christi. Propter quod dicit: Ascéndens in altum captivam duxit captivitatem: dedit dona hominibus. Quod autem ascéndit, quid est, nisi quia et descéndit primum in inferiôres partes terræ? Qui descéndit, ipse est et qui ascéndit super omnes cælos, ut impléret ómnia. Et ipse dedit quosdam quidem Apostolos, quosdam autem Prophétas, álios vero Evangelistas, álios autem pastôres, et doctôres, ad consummationem sanctôrum in opus ministérii, in ædificatióne cõporis Christi: donec occurrámus omnes in unitatem fidei, et agnitiónis Filii Dei, in virum perfectum, in mensuram ætatis plenitudinis Christi.

Seq. sancti Evangelii secundum Joannem. 17.

In illo tempore: Sublevátis Jesus oculis in cælum, dixit: Pater, venit hora, clarifica Filium tuum, ut Filius tuus clarificet te: sicut dedisti ei potestatem omnis carnis, ut omne,

quod dedisti ei, det eis vitam æternam. Hæc est autem vita æterna: ut cognoscant te, solum Deum verum, et quem misisti Jesum Christum. Ego te clarificavi super terram: opus consummavi, quod dedisti mihi ut faciam: et nunc clarifica me tu, Pater, apud temetipsum, claritate, quam habui, priusquam mundus esset, apud te. Manifestavi nomen tuum hominibus, quos dedisti mihi de mundo. Tui erant, et mihi eos dedisti: et sermonem tuum servaverunt. Nunc cognoverunt quia ómnia, quæ dedisti mihi, abs te sunt: quia verba, quæ dedisti mihi, dedi eis: et ipsi acceperunt, et cognoverunt vere quia a te exivi, et crediderunt quia tu me misisti. Ego pro eis rogo, non pro mundo rogo, sed pro his, quos dedisti mihi: quia tui sunt: et mea ómnia tua sunt, et tua mea sunt: et clarificatus sum in eis. Et jam non sum in mundo, et hi in mundo sunt, et ego ad te venio.



In Ascensione Domini.

STATIO AD S. PETRUM.

Introitus.



allelúia: quemádmovum vidístis eum ascendentem in cælum, ita veniet, allelúia, allelúia, allelúia. *Ps. 46.* Omnes gentes pláudite má nibus: jubilate Deo in voce exsultatiónis. *V.* Glória Patri.

Gratia. Concède, quæsumus omnipotens Deus: ut qui hodierna die Unigénitum tuum Redemptorem nostrum ad cælos ascendisse credimus: ipsi quoque mente in cælestibus habitemus. Per eúmdem Dóminum nostrum Jesum Christum.

Act. 1.

Lectio Actuum Apost. 1. **P**rimum quidem sermonem feci de óm nibus, o Theóphile, quæ cepit Jesus facere et docere, usque in diem, qua præcipiens Apóstolis per Spiritum sanctum, quos elegit, assumptus est: quibus et præbuit seipsum vivum post passionem suam in multis argumentis, per dies quadraginta appárens eis, et loquens de regno Dei. Et convescens, præcepit eis, ab Jerosólymis ne discederent, sed expectarent promissionem Patris, quam audistis (inquit) per os meum; quia Joánes quidem baptizávit aqua, vos autem baptizabimini Spiritu sancto non post multos hos dies. Igitur qui convenerant, interrogábant